

# MPSJ lancar bandar hijau

**S**UBANG JAYA: Selaras usaha mewujudkan bandar ‘hidup’ dan mapan, Majlis Perbandaran Subang Jaya (MPSJ) akan mengadakan Majlis Pelancaran Bandar Hijau Serdang bertempat di Taman Tasik Sri Serdang, Seri Kembangan dekat sini, esok.

Acara anjuran bersama Universiti Putra Malaysia (UPM) itu sebahagian daripada program bagi menjayakan Bandar Biomas Serdang yang memupuk semangat menghargai alam sekitar di kalangan masyarakat sekali gus memulakan usaha ke arah bandar hijau.

Yang Dipertua MPSJ, Datuk Asmawi Kasbi berkata, selain memberi penerangan dan kesedaran mengenai alam sekitar, pelbagai aktiviti lain turut dirangka.